

Atvinnuvega- og nýsköpunarráðuneytið
B.t. Baldurs P. Erlingssonar
Skúlagötu 4
150 Reykjavík



13. janúar 2019

***Umsögn Arctic Fish um drög að lagafrumvarpi um gjald vegna nýtingar
eldissvæða í sjó***

Arctic Fish hefur unnið með Samtökum fyrirtækja í sjávarútvegi (SFS) að umsögn um frumvarp um gjald vegna nýtingar eldissvæða í sjó. Um er að ræða drög sem auglýst voru á Samráðsgátt stjórnvalda þann 20. desember 2018.

Arctic Fish tekur heilshugar undir þær athugasemdir sam fram koma í umsögn SFS. Að svo stöddu er gjaldtaka með öllu ótímabær þar sem atvinnugreinin er enn á uppvaxtarskeiði sínu. Rétt væri að fresta ákvörðun um gjalddöku þar til jafnvægi hefur verið komið á rekstur og starfsemi fiskeldisfyrirtækja.

Upplegg að gjalddöku sem miðar við hámarksframleiðslu á úthlutuðum eldissvæðum án tillits til umhverfisskilyrða styður ekki umhverfismarkmið sem sett er fram í lögum um fiskeldi.

Það tekur tíma að byggja upp eldissvæði og gert er ráð fyrir því í lagaumgjörðinni. Það er mögulegt að breytingar á umhverfi, s.s. breytt hitastig, þörungavöxtur eða sjúkdómar leiði til minnkunar eða jafnvel hruns á slátrun eldisfisks á viðkomandi svæði. Gjaldtaka sem tæki ekki tillit til slíkra þátta er ekki æskileg. Einnig er mögulegt að umhverfisskilyrði s.s. hitastig, gæði sjávar og umhverfis geti leitt til betri skilyrða til framleiðslu og aukningar í slátrun og þá væri eðlilegt að sú hlutfallslega framleiðsluaukning hefði áhrif á gjalddökuna.

Þegar fiskeldið hefur náð að komast upp úr uppvaxtarskeiði sínu er eðlilegt að sú grein líkt og aðrar sem nýta náttúruauðlindir Íslands greiði af því gjald. Eðlilegast væri að það gjald tengdist slægðum eldisafla og tæki þannig tillit til umhverfissjónarmiða, árgangaskipts fiskeldis og sjúkdómavarna.

F.h. Arctic Fish.

A handwritten signature in blue ink, appearing to read "Sig. Pétursson".

Sigurður Pétursson
Framkvæmdastjóri Viðskiptaþróunar
Aðalstræti 20, 400 Ísafirði